

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 07.03.2022թ. թիվ 2214310629 որոշումն անփոփոխ, իսկ վարչական բողոքն առանց բավարարման թողնելու մասին

<< 21 >> 03 2022թ. 7-13- 3202

ք. Երևան

Ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Պետո Սաֆայանի ՄԴ/15317-22 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացի Պետո Սաֆայանը (**ծանուցման հասցե՝** քաղաք Երևան, Քանքեռ-Ձեյթուն վարչական շրջան, Յ. Լեփսիուսի փողոց, 17-րդ շենք, 42-րդ բնակարան) դիմումով խնդրել է չեղարկել Ճանապարհային ոստիկանության վարչական տույժ նշանակելու մասին թիվ 2214310629 որոշումը նշելով, որ արձանագրության մեջ բացակայում են իր մեքենայի լուսանկարները, որոնք հանդիսանում են իրախախտման հիմք:

Դիմումի քննարկման արդյունքում պարզվել է, որ վարչական ակտը ենթակա է կատարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<< կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման ճանապարհային գծանշումներ գլխի համաձայն՝ 1.4 դեղին հոծ գիծը, ցույց է տալիս այն տեղերը, որտեղ կանգառը և կայանումը արգելվում են: Կիրառվում է ինքնուրույն կամ 3.27՝ <<Կանգառն արգելվում է>>, նշանի հետ:

Նյութերի ուսումնասիրության արդյունքում պարզ է դառնում, որ <<MERCEDES-BENZ>> մակնիշի 36CC599 հաշվառման համարանիշի տրանսպորտային միջոցի վարորդը 28.02.2022թ ժամը 14:04-ին կանգառ է կատարել Երևան քաղաքի Խանջյան - Վարդանանց փողոցների խաչմերուկի հատվածում՝ 1.4 դեղին հոծ գիծ գծանշման ազդման գոտում, ինչը անխուսափելիորեն չի կատարվել երթևեկության այլ մասնակցի գործողության կամ անգործության պատճառով:

Վարչական իրավախախտումների մասին << օրենսգրքի 124-րդ հոդվածի 1-ին մասի համաձայն՝ տրանսպորտային միջոցների վարորդների կողմից ճանապարհային նշանների կամ ճանապարհային գծանշումների պահանջները չկատարելը, առաջացնում է տուգանքի նշանակում՝ սահմանված նվազագույն աշխատավարձի հնգապատիկի չափով:

Հարկ է նշել, որ տվյալ իրավախախտումը նվազ նշանակություն ունեցող գնահատելու կարգ սահմանված չէ (դիտավորություն, անզգուշություն և այլն):

Ինչ վերաբերվում է դիմումատուի այն պնդմանը, որ իրավախախտման ապացույց հանդիսացող լուսանկարները բացակայում են, ապա նշված լուսանկարների, ինչպես նաև իրավախախտման ապացույց հանդիսացող տեսանյութի հետ կապված խնդիր չի հայտնաբերվել և դրանք տեղադրված են ՀՀ ոստիկանության համացանցային (police.am) կայքէջում և հասանելի են, հետևաբար դիտելու անհնարինությունը կարող է կապված լինել դիմումատուի համակարգչի ծրագրային ապահովման հետ:

Այսպիսով հիմնավորվել է, որ դիմումատուին վարչական պատասխանատվության ենթարկելու մասին վերը նշված որոշումն իրավաչափ է և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 07.03.2022թ. թիվ 2214310629 որոշումը թողնել անփոփոխ, իսկ վարչական բողոքն առանց բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում.
3. Սույն որոշման օրինակն ուղարկել Պետո Սաֆալյանին:

Կատարող՝ Կ. Ահարոնյան
Հեռ. 011544783



Ե. Կարապետյան